



19-02-2019

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

**Naalackersuisunut apeqquutit:**

**1. Arnat qassit erninerminnut atatillugu sulingiffeqanerminni sapaatip akunneranut akunnernut 40-nut ullormusiassatik tiguneq ajorpaat? Akissummi Naalackersuisunut nalilersoqquneqarpoq arnat erninerminnut atatillugu sulingiffeqanerminni sapaatip akunneranut akunnernut 40-nut ullormusiaqartussaataitasut amerlissanersut, piffissap ullormusiaqarfissap naatsorsorneqarnera sulingiffeqalernissaq sapaatit akunnerinik 13-inik sioqqullugu pisarteq soorlu assersuutigalugu sapaatip akunnerinut 21-nut kingullernut sivitsorneqartuuppat imaluunniit ukiumut kingullermut sulingiffeqalernissaq sioqqullugu.**

**2. Naalackersuisut eqqarsaatigisinnaanerlugu piffissap ullormusiaqarfissap naatsorsorneqarnerata allangortinnissaa sulissutigissallugu taamaattoqassappallu qanoq?**

(Inatsisartunut ilaasortaq Randi Vestergaard Evaldsen, Demokraatit)

**Tungavilersuut**

Malittarisassat maannakkut atuuttut naapertorlugit sulingiffeqarnissat sioqqullugu sapaatip akunnerini kingullerni 13-ni isertitatit aalajangiisuusarput erninermut atatillugu ullormusiassavit amerlassusilerneqarnissaannut.

Tamanna paarlatsinut aalajangersimasumillu atorfeqanngitsunut ajornartorsiutaasinnaavoq, erninissap tungaanut sapaatip akunneri kingulliit 13-t artornarnerpaatut naatsorsuunneqartarmata aamma taamaattumik piffissami tassani napparsimanissaq qaninnerusarpoq. Allatut oqaatigalugu piffissaq taannaarpiaq ullormusiat annertussusilernissaannut apeqqutaalluinaqqissaartarpoq.

Uanga isumaga naapertorlugu, naapertuunnerussiaaq piffissaq naatsorsuinermi tungavigineqartartoq sivitsorneqartuuppat, sapaatip akunneri kingulliit 13-t kisiisa aalajangiisussaajunnaarlugit. Assersuutigalugu sulingiffeqalernissaq tungaanut sapaatip akunneri kingulliit 21-t tungavineqarsinnaapput imaluunniit sulingiffeqalernissap tungaanut ukioq kingulleq.

Tamanna tungavigalugu qilanaarpunga apeqquutima ullut sulliviit naliginnaasut qulit iluanni akineqarnissaannut.